

871
R81
1921

SILLOGE DI ANTICHITÀ CLASSICA

I.


RUTILII CLAUDII
NAMATIANI

DE REDITV SVO

LIBRI II



RECENSUIT
VINCENTIVS VSSANI



FLORENTIAE

IN AEDIBVS FR. PERRELLAE

M·DCCC·XX·I



Rutilius Namatianus, Claudius
871
R. 81
1921
Classica

Estratto dalla *Rassegna italiana di lingue e letterature classiche*
Anno II (1920) Num. 3-4-5.

RUTILII CLAVDII (vel CLAVDII RUTILII) NAMATIANI
DE REDITV SVO
RECENSUIT
VINCENTIVS VSSANI

PRAEFATIO.

classica g. e. def. arch. 16 mg 23 Hoeppli

Rutili Claudii uel Claudii Rutili Namatiani, nam de ordine nominum codices testesque antiquissimi discrepant, poemation quo Gallus (u. 20) poeta haud ignobilis, qui Romae honorum cursum usque ad praefecturam Urbis (u. 157-160) totum emensus erat, suum in uastatam a barbaris patriam reditum anno a. u. c. 1169=416 p. C. n. (u. 135-136) descripsit, totum quod dicunt medium aeuum latuit et tandem renascentibus, vel potius iam renatis litteris, a Georgio Galbiato a. 1493 in uetusto codice Bobiensi detectum est, cum, ut ipse ait (1), in coenobio diui Columbani chronica et Caesarum diplomata euolueret quo uberiores materiam Georgio Merulae pararet qui gentis nobilissimae Vicecomitum historiam conscribere aggressus esset. constat librum istum Langobardicis quos dicunt characteribus exaratum, in eodem coenobio remansisse, donec a Bonneualo Francogallo mercenario milite, qui Eugenio principe

(1) Cf. Terentianum Maurum a Lachmanno editum (Berolini, 1836) p. IV. ante Galbium Laurentium Vallensem codicem uidisse Rutiliumque legisse eumque verbis paene reddidisse in prooemio librorum qui inscribuntur *De linguae latinae elegantia* contendi in *Rivista di Filologia*, 1916 p. 41 et sqq.

p 16998

duce stipendia in Italia merebat, a. 1706 p. Ch. n. subreptus est (1). nec postea usquam comparuit.

Sed apographon codicis iam anno 1496 Thomas Inghirami Volaterranus, cui Phaedri cognomen inditum, descripserat Romamque aduexerat: qua re factum est, si communi doctorum opinioni accedere uolumus, ut Rutili itinerarium innotesceret saeculo XV exeunte uel XVI ineunte, cuius aetatis litterarum ductus scripturasque prae se ferunt codices Rutiliani qui ad nos peruenerunt, scilicet Vindobonensis 277, olim 387, et Romanus in bybliothea ducis Caietani de Sermoneta adseruatus. eodem paene loco quo hi libri manu scripti, libri excusi habendi sunt qui circa id tempus uel paulo post in lucem prodierunt, cum non ex nostris exemplaribus, sed ex aliis quibusdam deperditis fluxerint. ex quibus priorem locum iure sibi uindicat editio princeps Bononiae anno 1520 emissa, alterum editio Romana tribus tantum annis posterior, tertium editio Onuphri Panuini quae in commentariis de urbe imperio et ciuitate Romana Venetiis a. 1558 editis continetur.

Codicem Vindobonensem (V) Iacobus Sannazarius, poeta inter Italos nobilissimus, conficiendum curauit, qui scribae cuidam transcribendum tradidit. Hic (V¹) ut litterarum comparatione diligenti instituta Georgius Heidrich (2) statuit, cum uersus 1-242 libri prioris scripsisset, inepte uersus 415-456 subiunxit. quod cum Sannazarius (V²) animaduertisset, lacunam suppleuit, menda quaedam correxit, ipse priorem carminis librum usque ad finem exarauit, marginibus uarias lectiones aut coniecturas aliquot adscripsit, quibus f. litteram (= fortasse? fiat? fuit?) adposuit. Sannazari manum in codice tertia manus (V³) excipit, quae prioris libri subscriptionem et alterius fragmentum descripsit. complurium correctorum coniecturas aut uarias lectiones compluribus manibus marginibus adpersas, quarum aliis eadem. f. littera addita, aliis addita postea deleta est, uno eodemque siglo v notauit.

Codicem Romanum (R) A. Bontadosi uir antiquitatis amantissimus possedit, qui a. 1880 obiit: cuius ad manus quomodo uenerit nescimus. eodem anno in bybliotheecam Caietanorum donatus deuenit ibique a se inuentum nuntiauit A. Elter in Museo Rhenano XLVI (1891) p. 112. adn. 3. Caroli Hosii collatio est in Museo Rhenano

(1) Cf. A. Peyron — *Ciceronis orationum fragmenta inedita* (Stuttgartiae et Tubingae 1824) p. XX.

(2) Cf. *Claudius Rutilius Namatianus*. Mit Einleitung und kritischem Apparat herausgegeben von Dr. Georg Heidrich. Wien und Leipzig, 1912.

LI (1896) p. 195 sqq. qua est Caietana domus erga eruditos homines humanitate, mihi ipsi codicis Romani Romae inspiciendi copia data est, quem Vindobonensis fere aequalem litterae ostendunt. codicis scriptor se ipsum Ioannem Andream Crucianum uocat Sabinumque se dicit. ad eundem hominem, parum idoneo fretus fundamento, A. Elter rettulit quae in folio membranaceo codici chartaceo 522 bybliothecae Angelicae adsuto leguntur (1).

De tribus quoque editionibus, Bononiensi Romana Veneta pauca dicam. Bononiensis libellus (B), qui ex officina Hieronymi de Benedictis a. 1520 prodiit, quinque quaterniones litteris A, B, C, D, E, distinctos continet; in fronte haec habet: *Claudius Rutilius poeta priscus de laudi | bus urbis, Etruriae | et Italiae*; eum curavit Ioannes Baptista Pius, qui se clientem Leonis X Pontificis illius de bonis artibus bene meritissimi profitetur. singula libelli exemplaria adhuc adseruari, quinque in urbibus, Gottingae, Aquis Sextiis, Romae (in bybliothecha Angelica) Londini (in Museo Britannico) Vindobonae (in Athenaei bybliothecha) Georgius Heidrich o. l. p. 23 auctor est, nempe et exemplaris Berolinensis oblitus, de quo Carolus Hosius egit l. l. p. 178 adn. 1, et ignarus codicis qui est in bybliothecha Romana quae Victori Emmanuelis nomine nuncupatur. Romana exemplaria in bybliothecha Angelica (q. 3. 25) et in bybliothecha Victoriana (Misc. B. 260. 19) ipse inspexi.

Editio Romana (M) anno 1523 emissa est. continetur in libro quem Iacobus Mazochius inscripsit *De Roma prisca et nova uarii auctores* et misit Hadriano VI pontifici maximo. huius libri exemplar Romae in bybliothecha Angelica adseruatum, signatum E E 21. 56, ipse contuli.

Onuphri Panuini editio (P) in Commentariis reipublicae Romanae, p. 259-286, aliquanto recentior, cum Venetiis ex officina Erasmiana, apud Vincentium Valgrisium, anno 1558, ut supra diximus, prodierit. sed doctum illum uirum manuscripto aliquo libro usum esse neque eius libellum ex superioribus Bononiensi et Romano totum pendere luce clarius demonstrant u. 575-578 prioris libri Rutiliani qui hic primum typis mandati sunt, praeterea

(1) Verba haec sunt: *Morituri sumus quid inflaris? Datum dei est. Dominus dedit Dominus abstulit. Sic Deo placuit. Sit nomen Domini Benedictum. Ex hoc nunc et usque in Seculum Amen. Anno desolationis nostrae M^o.CCCC^o.XXVII die Xmbris X^a In Sancto Andrea de Carpineto quum illuc morabar propter aduentum, uolentium terram Cassam siue Cassiam oppugnare. Scriptoris nomen frustra quaeres. Infra est taenia illarum similis quae Cruciani nomen in R continet.*

ipsius Panuini uerba (p. 258): *Nam etsi multis annis antea, semel excusus fuerit, paulatim tamen annis eius memoria obliuioni ita tradita erat, perinde ac si numquam fuisset. Eum autem et multis librariorum uitio obortis erroribus sublati, emendatum, et aliquot uersibus qui in uulgato deerant locupletatum, Gabrielis Faerni uiri optimi, doctissimi, poetarumque omnium nostro saeculo celeberrimi opera, denuo in lucem dare decreui. qui autem liber excusus Panuinio praesto fuerit, utrum Bononiensis an Romanus, mihi non liquere candide fateor.*

Praeter codices atque editiones testem alium Rutili habemus Liliū Gregorium Gyraldum, qui in Historiae poetarum tam Graecorum quam Latinorum dialogo VIII (Basileae 1545 p. 923-924) narrat se uidisse *opusculum elego carmine compositum, Rutilii Claudii Numatiani Galli, ad Venereum Ruffinum hodoeporicon, non indignum ut legatur*, Rutiliū dicit *cum ex eius poemate tum ex inscriptione ipsius apparere Gallum natione, uirum consulare, urbis praefectum, tribunum militum, et praefectum praetorio fuisse*, uersus deuerticuli contra Stilichonem II 41-44, 51-56 laudat. quae hic addit *imperfectus ipsius itineris alter libellus est, ultra Lunam enim urbem, quae a me uisa sunt exemplaria, non procedunt* magni esse preti uidentur. Nam lectiones u. 42 *qui*, u. 51 *grassatus*, nisi arbitrio ingenioque ipsius Gyraldi tribuantur, tota uoce clamant alia ac nostra exemplaria uirum illum antiquitatis amantissimum habuisse ante oculos (1).

Libros manuscriptos et impressos ex Bobiensi codice uel ex eius apographo Romam a Phaetro aduecto omnes fluxisse, uirorum doctorum, ut supra diximus, communis opinio est (2). quam refellere mihi in animo non est, dum inter illum uetustissimum testem, aut

(1) Burmannus (*Poet. Lat. Min.* II p. 5) Rutilianas lectiones ex libro Leandri Alberti Bononiensis qui inscribitur *Descrittione di tutta Italia* et Venetiis primum foras datus est a. 1551, excerptandas censuit. Ego uero, diligenter perpersis Rutili locis quos Leander laudat, persuasum habeo illum editionem adhibuisse Bononiensem cum eundem quem illa ordinem nominum *Claudium Rutiliū* praebeat. Qui ordo etiam in codice Romani seruatur, sed lectionem *fraudauit* (I 407) cum libris impressis Leander communem habet quod mendum a codice Romano abest.

Ceterum Leander u. 405 *speculum*, u. 566 *Auser* habet.

(2) Non ex Bobiensi codice, sed ex alio in Gallia inuento Sannazarium Vindobonensem codicem descripsisse, O. uon Gebhardt (*Zentralblatt für Bibliothekswesen* 1888, p. 396 sqq.) nuper contendit. Cf. etiam Burmannum in praef. *Poetarum Lat. Min.* et Wernsdorfium in praefatione Rutilii sui, qui est in quinto *Poetarum Lat. Min.* uolumine p. 41 sqq.

apographum, nostrosque codices neque unum tantum neque idem exemplar medium intercessisse persuasum habeas. codex enim Romanus neque Vindobonensis est gemellus neque tam similis ut ex uno eodemque exemplari descriptum utrumque existimare possis. sed ne ulla quidem ratione euinci potest fieri non potuisse ut eodem fere tempore quo Bobiensis manuscriptus alter liber in manus hominum ueniret, cum Bobiensi artis uinculis coniunctus, cuius memoria deinde intercideret. de libris impressis non aliter sentio: quam ob rem in incerto haeret, quo duce, quo Lare novus editor tueri se debeat. cum dubium uix sit quin codex Romanus ab homine si non litterarum imperito non eo tamen qui cum Sannazario comparetur descriptus, mendis pluribus quam Vindobonensis foedetur, sed emendationibus uel corruptelis consulto inlatis ob eandem causam minime laboret, mihi, ut Francogallo Vessereau, pluris faciendus uisus est quam ceteris editoribus eiusque aliquot lectiones quasi potiores recepi, ut u. 14 *ueneratur*. u. 175 *imitatio* v. 529 *similis*. etiam libros impressos non neglegendos censui, quorum lectiones inuitis codicibus in u. 67, 230 tutatus sum, normam lectionis, quam dicunt, difficilioris secutus. cauendum enim est ne libros saeculo XVI impressos non eadem fide dignemur qua codices eadem fere aetate exaratos. sed in uniuersum codicem Vindobonensem tamquam ducem secutus sum, ueritus ne nimio nouitatis amore a superioribus editoribus uiderer defecisse.

Constituendi apparatus hanc legem religiose seruani ut lectiones nullius preti ommitterem, superuacanea non detererem, sed ferro reciderem ne impedimento magis quam adiumento essent lectori. quantum ad orthographiam spectat, perpaucas tantum uerborum scripturas quas mirum in modum congruentes praeberent codices uel excusi libri in apparatu protuli cum spes mihi uix sana uisa esset scriptores codicum qui post renatas bonas artes exarati essent, ipsas poetae aut saltem archetypi sui litteras suis fideliter litteris reddidisse. in textu scripturas *Tybris* (u. 151. 180) *satyra* (u. 603) confidenter recepi, utpote cum Rutilianis temporibus frequentatas tum testimoniis codicum editionumque quae adhibui, firmatas: dubitavi an etiam *thuscus* scriberem, cum hanc scripturam ex origine uerbi ἀπὸ τοῦ θύειν, qualis a Seruio (1) memoriae traditur, constaret eadem aetate uulgatam esse, *Thuscis* u. I 495 V²R haberent, praeterea R u. 39 *Thuscis*, u. 582 *Thuscorum*, u. 586 *Thuscos*. fortasse etiam in

(1) *Ad Aen.* II 781, VIII 479.

u. 13 *Religiosa* cum V¹RMP, in u. 312 *recidit* cum V²RP, in u. 390 *religione* cum RP typis mandare debui, sed in hac quoque re timori cessi ne nimius nouitatis amator existerem. *quotiens* et *totiens*, *squalere*, *milia* ubique, iudicio meo usus, scripsi cum in his uerbis neuter codex sibi constaret, cuius, ut ita dicam, uestigiis insisterem. cetera de genere hoc apud Heidrich cernere poteris (2).

Antequam huius praefatiunculae finem facio, praeter Pium Mazochium Panuinium antiquissimos carminis editores, quosdam alios commemorare operae pretium est, quorum nomina hic illic in apparatu coniecturis emendationibusque apposita reperiuntur: Iosiam Simler (Basileae 1575), Iosephum Castiglione (Romae 1582), Petrum Pithou (cf. *Epigrammata et Poematia uetera*, Parisiis 1590), Casparem Barth (Francofurti 1623), Th. Ians. ab Almeloueen (Amstelaedami 1687), Petrum Burmann (Poetae Latini minores II p. 3 sqq. Lugduni Bataurum 1731). Christ. Tob. Damm (Brandenburgi 1760), Ioannem Christianum Kapp (Erlangae 1786), Io. Christianum Wernsdorf (Poetae Latini minores V pars I Altenburgi 1788) A. W. Zumpt (Berolini 1840), Lucianum Mueller (Lipsiae 1870), Aemilium Baehrens (Poetae Latini minores V p. 1 sqq. Lipsiae 1883), Carolum Haines Keene (Londini 1907). praeterea utiles symbolas criticas contulerunt ex uetustioribus Cuper et Heinsius, e recentioribus in censuris alienorum operum R. Helm (3) et I. Tolkiehn (1). fortasse ego oleum et operam omnino non perdiדי dissertatiuncula a. 1911 emissa (2). ad poetam illustrandum magis quam restituendum prodest illud uere μέγα βιβλίον Francogalli I. Vessereau, Lutetiae Parisiorum a. 1904 foras datum; optimam et M. Maniti laudati uiri laudibus celebratam (3) collationem codicis Vindobonensis Georgi Heidrich libellus continet quem supra saepe commemoraui.

Sed iam tempus est Rutilium ipsum canentem audire (4).

(1) O. l. p. 33-34.

(2) *Berlin. Philolog. Wochensch.* 1909 col. 552 sqq., 1911 col. 556 sqq.; *Wochensch. f. klass. Philologie* 1911 col. 1315 sqq.

(3) *Wochensch. f. klass. Philologie* 1911 col. 1217 sq.

(4) *Rivista di filologia e d'istruzione classica*, 1910 p. 357 sqq.

(5) *Wochenschrift f. klass. Philologie* 1912 col. 1094-1095.

(6) Aegri somnia nuper somniauit H. Schenkl, ut iam Vollmerus apud Pauly-Wissowa (*Real-Encyclopädie* Ser. II. col. 1252) animadvertit, cum Rutilium Christicolam fuisse in Museo Rhenano LVI, 1911, pp. 393-416 contendit. Solis eum potius religioni addictum esse et nonorum Platoniorum sectae adhaesisse censeas, perpensis notis 53-56, 235-236, 259-260, praeterea iis quae leguntur de genio domini id est imperatoris u. 16, 328. amicus eius Rufius Volusianus (u. 168 sqq.) gentis fuit plurimae in deorum Cybelae et Attidis honorem (cf. Graillot — *Le culte de Cybèle* p. 167 adn. 4) quorum ritus cum Solis coaluisse idem Graillot inculente demonstrauit.

RVTILII CLAVDII (vel CLAVDII RVTILII) NAMATIANI
DE REDITV SVO

CONSPECTVS SIGLORVM

V = codex Vindobonensis 277.

V¹ = manus quae in Vindobonensi codice u. I. 1-242, 415-456 scripsit saec. XVI ineuntis.

V² = manus Sannazari qua in Vindobonensi codice u. I. 243-414, 457-644 scripti sunt, correcturae aliquot in V¹ inlatae, uariae lectiones quaedam in margine adscriptae.

V³ = manus quae in Vindobonensi codice v. II 1-68 scripsit; saec. XVI.

v = correcturae et uariae lectiones non a Sannazari manu profectae; saec. XVI.

R = codex Romanus; saec. XVI ineuntis.

B = editio Bononiensis princeps; a. 1520.

M = editio Mazochi Romana; a. 1523.

P = editio Panuini in Reipublicae commentariis; a 1558

a. c. = *ante correcturam.*

p. c. = *post correcturam.*

RUTILII CLAUDII (vel CLAUDII RUTILII) NAMATIANI DE REDITU SVO

LIBER I.

* * *

Velocem potius reditum mirabere, lector,
 Tam cito Romuleis posse carere bonis.
 Quid longum toto Romam uenerantibus aeuo?
 Nil unquam longum est, quod sine fine placet.
 O quantum et quotiens possum numerare beatos, 5
 Nasci felici qui meruere solo,
 Qui Romanorum procerum generosa propago
 Ingenitum cumulant urbis honore decus!
 Semina uirtutum demissa et tradita caelo
 Non potuere aliis dignius esse locis. 10
 Felices etiam, qui proxima munera primis
 Sortiti Latias optinuere domos:
 Religiosa patet peregrinae curia laudi,
 Nec putat externos, quos decet esse suos.
 Ordinis imperio collegarumque fruuntur 15
 Et partem genii, quem ueneratur, habent:

Ex fragmentis Rutilii claudii Namatiani de reditu suo e Roma. In Galliam Narbonens(em) V Claudii Rutilii Poetae Di(gnissimi) R Claudius Rutilius poe | ta priscus de laudi | bus urbis, Etruriae, | et Italiae in fronte operis totius, sed ante librum priorem Ad Venerium Rufum Rutilii Clau | dii Numatiani Galli, uiri con | sularis, praefectorii urbis, | tribuni militum: praefe | cti praetorio. Liber | primus | cui titulus Itinerarium B Rutilii Claud. Numantii poema in conspectu auctorum Liber primus | Ad Venerium Rufum Rutilii | Claudii Numatiani Galli Viri consu- laris prae | fectorii urbis tribuni Militum, prae | fecti praetorio Liber | Primus | Cui titulus Itinerarium in fronte operis M Rutilii. Claudii. Numatiani | Galli, uiri. consularis | praefectorii. urbis. tribuni | militum. praefecti | praetorio | liber. primus | cui. titulus. itinerarium | ad. Venerium. Rufum P Aliquot versus desunt quorum sententia fuit hominibus miraculo esse non debere quod tam diu Rutilius a patria abesse potuisset. 5 possem BMP 12 optin. V¹ 13 Religiosa V¹RMP curia] gloria R; cf. Claud., De laud. Stil. III 35 et sqq. 15 feruntur V¹ fruuntur mg. V² uenerantur V¹BMP

Quale per aethereos mundani uerticis axis
 Concilium summi credimus esse dei.
 At mea dilectis fortuna reuellitur oris,
 Indigenamque suum Gallica rura uocant, 20
 Illa quidem longis nimium deformia bellis,
 Sed quam grata minus, tam ueneranda magis.
 Securos leuius crimen contemnere ciues:
 Priuatam repetunt publica damna fidem.
 Praesentes lacrimas tectis debemus auitis: 25
 Prodest admonitus saepe dolore labor.
 Nec fas ulterius longas nescire ruinas,
 Quas mora suspensae multiplicauit opis:
 Iam tempus laceris post saeua incendia fundis
 Vel pastorales aedificare casas. 30
 Ipsi quin etiam fontes si mittere uocem
 Ipsaque si possent arbuta nostra loqui,
 Cessantem iustis poterant urgere querelis
 Et desideriiis addere uela meis.
 Iam iam laxatis carae complexibus urbis 35
 Vincimur et serum uix toleramus iter.
 Electum pelagus, quoniam terrena uiarum
 Plana madent fluuiis, cautibus alta rigent.
 Postquam Tuscus ager postquamque Aurelius agger
 Perpressus Geticas ense uel igne manus 40
 Non siluas domibus, non flumina ponte coeracet,
 Incerto satius credere uela mari.
 Crebra relinquendis infigimus oscula portis:
 Inuiti superant limina sacra pedes.
 Oramus ueniam lacrimis et laude litamus, 45
 In quantum fletus currere uerba sinit:
 'Exaudi, regina tui pulcherrima mundi,
 Inter sidereos Roma recepta polos,
 Exaudi, genetrix hominum genetrixque deorum:
 Non procul a caelo per tua templa sumus. 50

17 aethereos V¹BMP axis sic R axes ceteri 18 Connubium BMP
 22 miseranda V¹BMP 23 Secures V¹ corr. v 29 saeva] longa BMP
 32 arbusta inuito metro P 34 add.] reddere BMP 35 carae] e re (inter
 e et re lacuna quattuor litterarum) R; malim sacrae; cf. u. 117 39 - que
 om. R postquamquam P thuscus R A(a M)urellius BM 41 coeracet P
 43 reliqu. BP 49 genetrix, genetrixque V¹

Te canimus semperque, sinent dum fata, canemus:
 Sospes nemo potest inmemor esse tui.
 Obruerint citius scelerata obliuia Solem,
 Quam tuus ex nostro corde recedat honos.
 Nam Solis radiis aequalia munera tendis, 55
 Qua circumfusus fluctuat Oceanus.
 Voluitur ipse tibi, qui continet omnia, Phoebus
 Eque tuis ortus in tua condit equos.
 Te non flammigeris Libye tardauit harenis,
 Non armata suo reppulit Vrsa gelu: 60
 Quantum uitalis natura tetendit in axes,
 Tantum uirtuti peruia terra tuae.
 Fecisti patriam diuersis gentibus unam:
 Profuit iniustis te dominante capi.
 Dumque offers uictis proprii consortia iuris, 65
 Urbem fecisti, quod prius orbis erat.
 Auctorem generis Venerem Martemque fatemur,
 Aeneadam matrem Romulidumque patrem:
 Mitigat armatas uictrix clementia uires,
 Conuenit in mores numen utrumque tuos: 70
 Hinc tibi certandi bona parcendique uoluptas
 Quos timuit superat, quos superauit amat.
 Inuentrix oleae colitur uinique repertor
 Et qui primus humo pressit aratra puer,
 Aras Paeoniam meruit medicina per artem, 75
 Fretus et Alcides mobilitate deus:
 Tu quoque, legiferis mundum complexa triumphis,
 Foedere communi uiuere cuncta facis.
 Te, dea, te celebrat Romanus ubique recessus
 Pacificoque gerit libera colla iugo. 80
 Omnia perpetuos quae seruant sidera motus,
 Nullum uiderunt pulchrius imperium.
 Quid simile Assyriis connectere contigit armis?

52 Hospes *Cuper* 53 Solem = *Solem deum* 58 ortas R ortos *Castalio*
 59 lybie V¹ Libiae RM haren. *hic* V¹ RBM 60 repulit V¹ M
 61 uitales R tendit V¹ a. c., R 64 inustis R 67 Auctores V¹ Auto-
 res R 68 Eniadum V¹ romuliumque P 70 nomen V¹ RBMP *corr. Barth*
 71 bona] *par Baehrens* parc.] certandique iterum R. 76 Fretus] Factus.
 f. mg. v nobilitate V¹ RBMP *cf. u. 222; corr. Castalio* deus] donis V¹ *corr.*
 V² 80 Paciferoque R 83 assir. R conn. sic V¹ RBMP arma BMP

Medi, finitimos cum domuere suos,
 Magni Parthorum reges Macetumque tyranni 85
 Mutua per uarias iura dedere uices.
 Nec tibi nascenti plures animæque manusque,
 Sed plus consilii iudiciiue fuit.
 Iustis bellorum causis nec pace superba
 Nobilis ad summas gloria uenit opes. 90
 Quod regnas minus est quam quod regnare mereris:
 Excedis factis grandia fata tuis.
 Percensere labor densis decora alta trophaeis,
 Vt si quis stellas pernumerare uelit;
 Confunduntque uagos delubra micantia uisus; 95
 Ipsos crediderim sic habitare deos.
 Quid loquar aerio pendentes fornice riuos,
 Qua uix imbriferas tolleret Iris aquas?
 Hos potius dicas creuisse in sidera montes;
 Tale Giganteum Graecia laudet opus. 100
 Intercepta tuis conduntur flumina muris;
 Consumunt totos celsa lauacra lacus.
 Nec minus et propriis celebrantur roscida uenis
 Totaque natio moenia fonte sonant.
 Frigidus aestiuas hinc temperat halitus auras: 105
 Innocuumque leuat purior unda sitim.
 Nempe tibi subitus calidarum gurgis aquarum
 Rupit Tarpeias hoste premente uias.
 Si foret aeternus, casum fortasse putarem:
 Auxilio fluxit, qui rediturus erat. 110
 Quid loquar inclusas inter laquearia siluas,
 Vernula quæ uario carmine ludat auis?
 Vere tuo numquam mulceri desinit annus;
 Deliciasque tuas uicta tuetur hiems.

84 quum R condomuere uno uerbo Müller 85 Magni om. V¹ suppl. V²;
 mg. ipsi. f. sed del. v Partor. R macedumque V¹RBMP corr. Pithoeus
 Infra u. 86 in mg. infer. f. 3(5)u. R maioribus litteris scriptum praebet Delia: B in-
 ferius iterum Diana: B quæ glossemata fortasse ad u. 75 Hippolytique fabulam
 referas. Cf. Verg., Aen. VII 770 91 quod quam R 92 facta V¹RBM
 93 Recens. V¹ corr. V² 97 loquor R 98 tolerat V¹ tollerat. f. tolleret
 mg. V² 99 sidere V¹ sidera. f. mg. v 100 giganteum BMP laudat
 RBMP, (e s. a alterum) V¹ 101 interrepta R 105 hic R 109 externus R
 112 Vernulaq. uno uerbo M qua P uaria R ludit P 113 ann.] amnis
 R 114 hyems V¹RB hiemps P

Erige crinales lauros seniumque sacratī	115
Verticis in uirides, Roma, refinge comas.	
Aurea turrigero radiant diademata cono,	
Perpetuosque ignes aureus umbo uomat.	
Abscondat tristem deleta iniuria casum:	
Contemptus solidet uulnera clausa dolor.	120
Aduersis solemne tuis sperare secunda:	
Exemplo caeli ditia damna subis.	
Astrorum flammae renouant occasibus ortus;	
Lunam finiri cernis, ut incipiat.	
Victoris Brenni non distulit Allia poenam;	125
Samnis seruitio foedera saeua luit;	
Post multas Pyrrhum clades superata fugasti;	
Fleuit successus Hannibal ipse suos:	
Quae mergi nequeunt, nixu maiore resurgunt	
Exiliuntque imis altius acta uadis,	130
Vtque nouas uires fax inclinata resumit,	
Clarior ex humili sorte superna petis.	
Porrige uicturas Romana in saecula leges	
Solaque fatales non uereare colos,	
Quamuis sedecies denis et mille peractis	135
Annus praeterea iam tibi nonus eat.	
Quae restant, nullis obnoxia tempora metis,	
Dum stabunt terrae, dum polus astra feret.	
Illud te reparat, quod cetera regna resoluit:	
Ordo renascendi est crescere posse malis.	140
Ergo age, sacrilegae tandem cadat hostia gentis:	
Summittant trepidi perfida colla Getae.	
Ditia pacatae dent uectigalia terrae:	
Impleat augustos barbara praeda sinus.	

116 recinge V¹RBMP corr. *Heinsius* 117 radiant (e s. a alt. v sed del.)
V¹ radiant. f. *mg.* v 120 Contentus R 121 Aduersus solem ne uis V¹BMP
Aduersus solem neuis R corr. *Simler* tuis] tibi *Burmman* 122 Extemplo R
123 nouant V¹ renouant. f. *mg.* v ronauant R 124 post incipiat rasura in R
125 Brēni (r in corr. a V²) V¹ Brenni *mg.* V² Breni BMP bromij R alia R poe-
num V¹ poenam. f. *mg.* v penum R paenum BM Poenum P 126 Sannus R
127 pyrrum R Pirrhūm M 128 Annibal BM anibal R 129 nisu V¹ nixu
V² *mg.* postea deletum 130 imis] milis R, unde udis uel salis conicias alta
V¹RBMP acta. f. *mg.* v 133 roma R unde Roma, in tua conicias 135 sex-
decies V¹ corr. v 136 nouus R (?) M erat RMP 139 rep.] rapiat R
142 gethe (th in ras.) R

Aeternum tibi Rhēnus aret, tibi Nilus inundet, 145
 Altricemque suam fertilis orbis alat.
 Quin et fecundas tibi conferat Africa messes,
 Sole suo diues, sed magis imbre tuo.
 Interea et Latiis consurgant horrea sulcis,
 Pinguiaque Hesperio nectare prela fluant. 150
 Ipse triumphali redimitus arundine Tybris
 Romuleis famulas usibus aptet aquas;
 Atque opulenta tibi placidis commercia ripis
 Deuehat hinc ruris, subuehat inde maris.
 Pande, precor, gemino placatum Castore pontum, 155
 Temperet aequoream dux Cytherea uiam;
 Si non displicui, regerem cum iura Quirini,
 Si colui sanctos consuluique patres.
 Nam quod nulla meum strinxerunt crimina ferrum,
 Non sit praefecti gloria, sed populi. 160
 Siue datur patriis uitam componere terris,
 Siue oculis umquam restituere meis:
 Fortunatus agam uotoque beatior omni,
 Semper digneris si meminisse mei.
 His dictis iter arripimus. comitantur amici: 165
 Non possum sicca dicere luce 'uale'.
 Iamque aliis Romam redeuntibus haeret eunti
 Rufius, Albini gloria uina patris;
 Qui Volusi antiquo deriuat stemmate nomen
 Et reges Rutulos teste Marone refert. 170
 Huius facundae commissa Palatia linguae;
 Primaeuus meruit principis ore loqui.
 Rexerat ante puer populos pro consule Poenos;
 Aequalis Tyriis terror amorque fuit.
 Sedula promisit summos imitatio fascēs: 175
 Si fas est meritis fidere, consul erit.

145 rhenus (h in ras.) R R(r M)enus BM 147 foec. VBMP fec. R
 Aphrica R 148 hibre V¹ hÿbre R 149 et om. B 150 pr.[plura R
 151 redimus RM Tybris V¹RBM Tibris P 152 ossibus BMP 153 co-
 mertia V¹ comentia R 154 subu.] subeat R subueat M muris V¹ corr. uer-
 bumque in mg. iterauit V² 155 pacatum V¹ portum V¹ potum R 156
 Tempera et Baehrens Cytharea R Cytheraea BP 158 consiliumque R
 159 strixerunt R 166 Dicere non possum (t s. m) lumine (a s. e) sicco (a
 s. o) uale V¹ Dicere non possum lumina sic Vale R 170 Rutulis V¹ rutilos
 R 172 populo R 175 imitantia V¹ imitatio mg. V² postea del.

Inuitum tristis tandem remeare coegi:
 Corpore diuisos mens tamen una tenet.
 Tum demum ad naues gradior, qua fronte bicorni
 Diuiduus Tybris dexteriora secat. 180
 Laenus inaccessis fluuius uitatur arenis;
 Hospitis Aeneae gloria sola manet.
 Et iam nocturnis spatium laxauerat horis
 Phoebus Chelarum pallidiore polo.
 Cunctamur tentare salum portuque sedemus, 185
 Nec piget oppositis otia ferre moris,
 Occidua infido dum saeuit gurgite Plias;
 Dumque procellosi temporis ira cadet,
 Respectare iuuat uicinam saepius urbem
 Et montes uisu deficiente sequi, 190
 Quaque duces, oculi grata regione fruuntur,
 Dum se, quod cupiunt, cernere posse putant.
 Nec locus ille mihi cognoscitur indice fumo,
 Qui dominas arces et caput orbis habet
 (Quamquam signa leuis fumi commendat Homerus, 195
 Dilecto quotiens surgit in astra solo);
 Sed caeli plaga candidior tractusque serenus
 Signat septenis culmina clara iugis.
 Illic perpetui soles, atque ipse uidetur
 Quem sibi Roma facit purior esse dies. 200
 Saepius attonitae resonant Circensibus aures;
 Nuntiat accensus plena theatra fauor.
 Pulsato notae redduntur ab aethere uoces,
 Vel quia perueniunt uel quia fingit amor.
 Explorata fides pelagi ter quinque diebus, 205
 Dum melior lunae fideret aura nouae.
 Tum discessurus studiis urbique remitto
 Palladium, generis spemque decusque mei.

178 diuiso BM teret V¹ tenet. f. (*del. f.*) *mg.* v fuit BMP 179 dem.]
 tantum R 180 Tyberis VBM tiberis R Tiberis P; *cf. u. 151* sec.] petit R
 181 Leuus V¹ (*ex-is*), RBMP laenus. f. (*del. f.*) *mg.* v in acc. RM harenis
 BMP; *cf. u. 59* 182 eneae V¹ 185 sal.] solo R solum BMP 188 pro-
 celloso (*nempe gurgite*) R cadit V¹ RBMP calet Müller cadet *ego* 192 ca-
 piunt V¹ *corr.* v cupiunt. f. (*del. f.*) *mg.* v 197 tractuque V¹ *corr.* v tractusq;
 f(*del. f.*) *mg.* v 200 tibi P 203 ad aethera BMP 208 Palladium RBM

Facundus iuuenis Gallorum nuper ab aruis
 Missus Romani discere iura fori. 210
 Ille meae secum dulcissima uincula curae,
 Filius affectu, stirpe propinquus, habet:
 Cuius Aremoricas pater Exuperantius oras
 Nunc postliminium pacis amare docet;
 Leges restituit libertatemque reducit 215
 Et seruos famulis non sinit esse suis.
 Soluimus aurorae dubio, quo tempore primum
 Agnosci patitur redditus arua color.
 Progredimur paruis per litora proxima cymbis,
 Quarum perfugio crebra pateret humus. 220
 Aestiuos penetrent oneraria carbasa fluctus:
 Tutior autumnus mobilitate fugae.
 Alsia praelegitur tellus, Pyrgique recedunt;
 Nunc uillae grandes, oppida parua prius.
 Iam Ceretanos demonstrat nauita fines: 225
 Aeuo deposuit nomen Agilla uetus.
 Stringimus <effetum hinc> et fluctu et tempore Castrum:
 Index semirutu porta uetusta loci.
 Praesidet exigui formatus imagine saxi,
 Qui pastorali numina fronte gerit: 230
 Multa licet priscum nomen deleuerit aetas,
 Hoc Inui Castrum fama fuisse putat,
 Seu Pan Tyrrhenis mutauit Maenala siluis
 Siue sinus patrios incola Faunus init.
 Dum renouat largo mortalia semina fetu, 235
 Fingitur in Venerem pronior esse deus.

209 auris R quod fortasse in aris mutandum, ut intellegas aram Romae et
 Augustorum ad confluentem Araris et Rhodani 211 cune V¹ cunnae BMP
 212 hab.] erat R 213 om. exemplar cod. R, ubi legitur Deest are modicas
 (prius a ex o) V¹ anemoricas uel arem. ss. V² 214 Non R amore RBMP
 216 esse suis om. V¹ suppl. V² 217 Soluimur R a. c. 219 cy (y ex i)
 mbis V¹ ūbis R lembis Burmann 220 Quorum V¹ crebre V¹, a s. alt e
 scr. V² 222 nobilitate RBMP 223 pigrique R Pyrrhique M 225 ce-
 ret. V¹ Ceret. RBM Cerret. P 226 Agylla BMP 227 String. et sed spatio
 uacuo relicto inter duo uerba V¹ RBP nullo spatio uacuo M hinc exesum suppl.
 Barth hinc canens Müller hinc effractum Keene effetum hinc ego 230 no-
 mina BMP cornua V¹ R correxi 232 Iani R 233 Tyrrh. om. V¹ suppl. V²
 immutauit. V¹ corr. V² menala V¹ R 235 longo V¹ 235 sem.] saecula
 Müller foetu V¹ B fetu R

Ad Centum cellas forti defleximus Austro:
 Tranquilla puppes in statione sedent.
 Molibus aequoreum concluditur amphitheatrum,
 Angustosque aditus insula facta tegit; 240
 Attollit geminas turres bifidoque meatu
 Faucibus arctatis pandit utrumque latus.
 Nec posuisse satis laxo naualia portu:
 Ne uaga uel tutas uentilet aura rates,
 Interior medias sinus inuitatus in aèdes 245
 Instabilem fixis aera nescit aquis;
 Qualis in Euboicis captiua natatibus unda
 Sustinet alterno bracchia lenta sono.
 Nosse iuuat Tauri dictas de nomine thermas;
 Nec mora difficilis milibus ire tribus. 250
 Non illic gustu latices uitiantur amaro
 Lymphae fumifico sulphure tincta calet:
 Purus odor mollisque sapor dubitare lauandem
 Cogit, qua melius parte petantur aquae.
 Credere si dignum famae, flagrantia taurus 255
 Inuestigato fonte lauacra dedit,
 Vt solet excussis pugnam praeludere glebis,
 Stipite cum rigido cornua prona terit:
 Siue deus, faciem mentitus et arma iuueni,
 Noluit ardentis dona latere soli; 260
 Qualis Agenorei rapturus gaudia furti
 Per freta uirgineum sollicitauit onus.
 Ardua non solos deceant miracula Graios!
 Auctorem pecudem fons Heliconis habet:
 Elicitas simili credamus origine nymphas, 265
 Musarum <ut> latices ungula fodit equi.
 Haec quoque Pieriis spiracula comparat antris
 Carmine Messalae nobilitatus ager;

237 centumc. BM Centums. P 239 conclud. R 240 facta om. V¹
suppl. V² 242 arct. sic V¹BMP arctatus R 243 Nec] *Hinc incipit* V²
 247 euboias R natant. RP natalibus M 248 bracchia V² *expuncto* pr. c,
 brachia R a. c. BMP sono] sinu. f. *add. mg* V² 251 uitiat R 252
 Lymphae V²RBMP *corr. Barth* 253. labantem V²BMP labentem R *corr.*
Simler 258 thyreus in *mg. ad nomen Agenorei* (v. 261) *fortasse explicandum*
adscriptis v; *postea eras.* 259 arma] ora BMP 263 graijs R 264 eli-
 onis R 265 lymphas R; *sed apte Helm contulit Mart. VI 43. 2* 266 ut
suppl. Damm 268 Messali R Messallae P

Intranstemque capit discedentemque moratur
 Postibus adfixum dulce poema sacris. 270
 Hic est, qui primo seriem de consule ducit,
 Vsque ad Publicolas si redeamus auos,
 Hic et praefecti nutu praetoria rexit;
 Sed menti et linguae gloria maior inest.
 Hic docuit, qualem poscat facundia sedem: 275
 Vt bonus esse uelit, quisque disertus erit.
 Roscida puniceo fulsere crepuscula caelo:
 Pandimus obliquo lintea flexa sinu.
 Paulisper litus fugimus Munione uadosum:
 Suspecto trepidant ostia parua salo. 280
 Inde Grauiscaurum fastigia rara uidemus,
 Quas premit aestiuæ saepe paludis odor;
 Sed nemorosa uiret densis uicinia lucis,
 Pineaque extremis fluctuat umbra fretis.
 Cernimus antiquas nullo custode ruinas 285
 Et desolatae moenia foeda Cosae.
 Ridiculam cladis pudet inter seria causam
 Promere, sed risum dissimulare piget.
 Dicuntur ciues quondam migrare coacti
 Muribus infestos deseruisse lares. 290
 Credere maluerim Pygmeae damna cohortis
 Et coniuratas in sua bella grues.
 Haud procul hinc petitur signatus ab Hercule portus:
 Vergentem sequitur mollior aura diem.
 Inter castrorum uestigia sermo retextit 295
 Sardoam Lepido praecipitante fugam.
 Litore namque Cosae cognatos depulit hostes
 Virtutem Catuli Roma secuta ducis.
 Ille tamen Lepidus peior ciuilibus armis,
 Qui gessit sociis impia bella tribus, 300
 Qui libertatem Mutinensi Marte receptam
 Obruit auxiliis urbe pauente nouis.
 Insidias paci moliri tertius ausus
 Tristibus excepit congrua fata reis.
 Quartus, Caesareo dum uult inrepere regno, 305

277 Rosida RM fuls.] luxere R 279 numione R 280 hostia RBMP
 solo BMP 291 pygme. sic V²RBMP 292 coniuratos V² 302 fauente
 BM gemente R

Incesti poenam soluit adulterii.
 Nunc quoque — sed melius de nostris fama queretur:
 Iudex posteritas semina dira notet.
 Nominibus certos credam decurrere mores,
 Moribus an potius nomina certa dari? 310
 Quidquid id est, mirus Latiis annalibus ordo,
 Quod Lepidum totiens reccidit ense malum.
 Nec dum decessis pelagus permittitur umbris:
 Natus uicino uertice uentus adest.
 Tenditur in medias mons Argentarius undas 315
 Ancipitique iugo caerulea curua premit.
 Transuersos colles bis ternis milibus arctat;
 Circuitu ponti ter duodena patet:
 Qualis per geminos fluctus Ephyreius Isthmos
 Ionias bimari litore findit aquas. 320
 Vix circumuehimur sparsae dispendia rupis,
 Nec sinuosa graui cura labore caret;
 Mutantur totiens uario spiramina flexu:
 Quae modo profuerant uela, repente nocent.
 Eminus Igilii s'luosa cacumina miror, 325
 Quam fraudare nefas laudis honore suae.
 Haec proprios nuper tutata est insula saltus
 Siue loci ingenio seu domini genio,
 Gurgite cum modico uictricibus obstitit armis
 Tamquam longinquo dissociata mari: 330
 Haec multos lacera suscepit ab urbe fugatos,
 Hic fessis posito certa timore salus.
 Plurima terreno populauerat aequora bello
 Contra naturam classe timendus eques:
 Vnum mira fides uario discrimine portum 335
 Tam prope Romanis, tam procul esse Getis.
 Tangimus Vmbronem; non est ignobile flumen,
 Quod tuto trepidas excipit ore rates:
 Tam facilis pronis semper patet alueus undis,
 In pontum quotiens saeua procella ruit. 340

311 Quicq. R p. c. id est] idē R 312 recidit V²RP 313 decessis
iure suspectum, discussis *Almeloueen* detersis *Heinsius* pelago V²RBMP *corr*
Baehrens 314 uortice BMP 315 in] ad R 317 tern.] denis R
 arctat V²R artat BMP; *cf. u. 212* 318 ter] qui R 319 ephir. R isthos
 R istmos M 324 modo] non BMP 326 nephas RM 329 uictoribus
 R *fortasse recte, cum armi pro brachiis poni possint* 339 pronis om. R

Hic ego tranquillae uolui succedere ripae;
 Sed nautas audios longius ire sequor.
 Sic festinantem uentusque diesque reliquit:
 Nec proferre pedem nec reuocare licet.
 Litorea noctis requiem metamur arena: 345
 Dat uespertinos myrtea silua focos:
 Paruula subiectis facimus tentoria remis,
 Transuersus subito culmine contus erat.
 Lux aderat: tonsis progressi stare uidemur,
 Sed cursum prorae terra relictata probat. 350
 Occurrit Chalybum memorabilis Ilua metallis,
 Qua nihil uberius Norica gleba tulit;
 Non Biturix largo potior strictura camino
 Nec quae Sardónico cespice massa fluit.
 Plus confert populis ferri fecunda creatrix 355
 Quam Tartesiaci glarea fulua Tagi.
 Materies uitiiis aurum ferale parandis:
 Auri caecus amor ducit in omne nefas,
 Aurea legitimas expugnant munera taedas,
 Virgineosque sinus aureus imber emit, 360
 Auro uicta fides munitas decipit urbes,
 Auri flagitiis ambitus ipse furit.
 At contra ferro squalentia rura coluntur,
 Ferro uiuendi prima reperta uia est:
 Saecula semideum, ferrati nescia Martis, 365
 Ferro crudeles sustinere feras:
 Humanis manibus non sufficit usus inermis,
 Si non sint aliae ferrea tela manus.
 His mecum pigri solabar taedia uenti,
 Dum resonat uariis uile celeuma modis. 370
 Lassatum cohibet uicina Faleria cursum,
 Quamquam uix medium Phoebus haberet iter.
 Et tum forte hilares per compita rustica fagi
 Mulcebant sacris pectora fessa iocis:
 Illo quippe die tandem reuocatus Osiris 375
 Excitat in fruges germina laeta nouas.

345 arena *hic* V²RBMP; *cf. u. 59.* 346 mirtea R myrthea M 350
 pronae R 351 calybum V² calibum R 352 gl.] terra R 354 Sardonio
 BMP Sardoo *Burmman*; *cf. u. 296* 356 tartasiaci R Tartessiaci BMP
 squallentia V²B 365 *pro* nescia *scr. inertia sed exp., mg. adscr.* nescia V²
 369 sanabar BM 375 renouatus BMP Osyris BMP 376 in] iam R

Egressi uillam petimus lucoque uagamur:	
Stagna placent saepto deliciosa uado.	
Ludere lasciuos intra uiuaria pisces	
Gurgitis inclusi laxior unda sinit.	380
Sed male pensauit requiem stationis amoenae	
Hospite conductor durior Antiphate.	
Namque loci querulus curam Iudaeus agebat,	
Humanis animal dissociale cibis:	
Vexatos frutices, pulsatas imputat algas	385
Damnaque libatae grandia clamat aquae.	
Reddimus obscaenae conuicia debita genti,	
Quae genitale caput propudiosa metit	
— Radix stultitiae — cui frigida sabbata cordi,	
Sed cor frigidius religione sua:	390
Septima quaeque dies turpi damnata ueterno,	
Tamquam lassati mollis imago dei.	
Cetera mendacis deliramenta catastae	
Nec pueros omnes credere posse reor.	
Atque utinam numquam Iudaea subacta fuisset	395
Pompeii bellis imperiisque Titi!	
Latius excisae pestis contagia serpunt,	
Victoresque suos natio uicta premit.	
Aduersus surgit Boreas, sed nos quoque remis	
Surgere; certamus, dum tegit astra dies.	400
Proxima securum reserat Populonia litus,	
Qua naturalem ducit in arua sinum.	
Non illic positas extollit in aethera moles	
Lumine nocturno conspicienda Pharos;	
Sed speculam ualidae rupis sortita uetustas,	405
Qua fluctas domitos arduus urget apex,	
Castellum geminos hominum fundauit in usus,	
Praesidium terris indiciumque fretis.	
Agnosci nequeunt aevi monumenta prioris:	
Grandia consumpsit moenia tempus edax.	410

377 petimusque (-que om. RP) luth auld. BP,oque uagamur (- us R) RBMP
petimus luloque nacamus Wernsdorf 379 inter V²RBMP quod fortasse re-
stituas; corr. Schrader 382 anthiph. R 387 oscenae BM 388 prepud.
(o s. e) V². 390 relig. RP sua est BMP. 391 Sept.] Optima R
396 Pompei R imperioque BMP 398 Vectoresque R 399 surgis V²
a. c. 400 cum V²RBMP corr. Heinsius 405 speculum V²RBMP speculam.
f. mg. v 407 fraudauit BMP 409 monim. BM

Sola manent interceptis uestigia muris:
 Ruderibus latis tecta sepulta iacent.
 Non indignemur mortalia corpora solui:
 Cernimus exemplis oppida posse mori.
 Laetior hic nostras crebrescit fama per aures: 415
 Consilium Romam paene redire fuit.
 Hic praefecturam sacrae cognoscimus urbis
 Delatam meritis, dulcis amice, tuis.
 Optarem uerum complecti carmine nomen,
 Sed quosdam refugit regula dura pedes. 420
 Quo ueniens uersu <caperis>, carissime Rufi,
 Illo te dudum pagina nostra canit.
 Festa dies pridemque meos dignata penates
 Poste coronato uota secunda colat:
 Exornent uirides communia gaudia rami: 425
 Proiecta est animae portio magna meae.
 Sic mihi, sic potius placeat geminata potestas:
 Per quem malueram, rursus honore fruor.
 Currere curamus uelis Aquilone reuerso,
 Cum primum roseo fulsit Eous equo. 430
 Incipit obscuros ostendere Corsica montes,
 Nubiferumque caput concolor umbra leuat.
 Sic dubitanda solet gracili uanescere cornu
 Defessisque oculis luna reperta latet.
 Haec ponti breuitas auxit mendacia famae: 435
 Armentale ferunt quippe natasse pecus;
 Tempore Cyrnaeas quo primum uenit in oras
 Forte secuta uagum femina Corsa bouem.
 Processu pelagi iam se Capraria tollit;
 Squalet lucifugis insula plena uiris. 440
 Ipsi se monachos Graio cognomine dicunt,
 Quod soli nullo uiuere teste uolunt.
 Munera fortunae metuunt, dum damna uerentur:
 Quisquam sponte miser, ne miser esse queat?

412 Ruderibusque R *Kapp* qui latis in altis mutauit late Barth.

415 Laetior] *Rursus incipit* V¹ 417 cognouimus (sci s. ui) V¹ 421 Quo
 ueniens uersu caperis] Cognomen uersu uen (Ven. BMP) eris V¹BMP Cognomen
 ueniens tantum R emendauit ego, emendationem probauit Tolkieln. Quo = quo no-
 mine. 425 Exornant V¹ a. c. Exornet R 428 fruor BMP. 433 Hic
 V¹ corr. V² (?) 434 reperta] repente docti aliquot uiri apud Castalionem
 437 cirneos R 439 craparia R 440 Squalet V¹RBM 441 monachos V¹BM

Quenam peruersi rabies tam stulta cerebri, 445
 Dum mala formides, nec bona posse pati?
 Siue suas repetunt factorum ergastula poenas,
 Tristia seu nigro uiscera felle tument.
 Sic nimiae bilis morbum assignauit Homerus
 Bellerophonteis sollicitudinibus: 450
 Nam iuueni offenso saeui post tela doloris
 Dicitur humanum displicuisse genus.
 In Volaterranum, uero Vada nomine, tractum
 Ingressus dubii tramitis alta lego:
 Despectat prorae custos clauumque sequentem 455
 Dirigit et puppim uoce monente regit.
 Incertas gemina discriminat arbore fauces
 Defixasque offert limes uterque sudes,
 Illis proceras mos est adnectere lauros
 Conspicuas ramis et fruticante coma, 460
 Vt praebente uiam densi Symplegade limi
 Seruet inoffensas semita clara notas.
 Illic me rapidus consistere Corus adegit,
 Qualis siluarum frangere lustra solet.
 Vix tuti domibus saeuos tolerauimus imbres: 465
 Albinus patuit proxima uilla mei.
 Namque meus, quem Roma meo subiunxit honori,
 Per quem iura meae continuata togae.
 Non expectatos pensauit laudibus annos;
 Vitae flore puer, sed grauitate senex. 470
 Mutua germanos iunxit reuerentia mores,
 Et fauor alternis creuit amicitiiis.
 Praetulit ille meas, cum uincere posset, habenas;
 At decessoris maior amore fuit.
 Subiectas uillae uacat aspectare Salinas; 475
 Namque hoc censetur nomine salsa palus,
 Qua mare terrenis decliue canalibus intrat

445 peruersi is (er *alt. in ras.*) R carebris R 447 factorum V¹ factorum. f. *mg.* v ex fato BMP 448 Bellorophonicis R Bellerophont(h *add.* M)aeis BMP 453 Volatera. V¹ 455 danumque frequentem R 456 mouente R 457 Incertus V²RBMP *corr. Castalio; ex hoc uerbo rursus incipit* V² 461 uiam] *algam* RBMP 463 chorus V²R coruus P 467 quem] dum R 471 iunxit R *fortasse recte* 472 uerbo, ut uestigia litterarum ostendunt, per simili deleta, alternis s. l. praebet R 474 Ad decess. (nte s. d) V² An decess. R Praedec. BMP *corr. Zumpt*

Multifidosque lacus, paruula fossa, rigat.
 Ast ubi flagrantés admouit Sirius ignes,
 Cum pallent herbae, cum sitit omnis ager, 480
 Tum cataractarum claustris excluditur aequor,
 Vt fixos latices torrida duret humus.
 Concipiunt acrem natiua coagula Phoebum,
 Et grauis aestiuo crusta calore coit;
 Haud aliter quam cum glacie riget horridus Hister 485
 Grandiaque adstricto flumine plaustra uehit.
 Rimetur solitus naturam expendere causas
 Inque pari dispar fomite quaerat opus:
 Iuncta fluenta gelu conspecto sole liquescunt,
 Et rursus liquidæ sole gelantur aquae. 490
 O quam saepe malis generatur origo bonorum!
 Tempestas dulcem fecit amara moram!
 Victorinus enim, nostrae pars maxima mentis,
 Congressu expleuit mutua uota suo.
 Errantem Tuscis considerare compulit agris 495
 Et colere externos capta Tolosa lares.
 Nec tantum duris nituit sapientia rebns:
 Pectore non alio prosperiora tulit.
 Consciùs Oceanus uirtutum, conscia Thule
 Et quaecumque ferox arua Britannus arat, 500
 Qua praefectorum uicibus frenata potestas
 Perpetuum magni faenus amoris habet.
 Extremum pars illa quidem discessit in orbem,
 Sed tamquam medio rector in orbe fuit.
 Plus palmae est illos inter uoluisse placere, 505
 Inter quos minor est displicuisse pudor.
 Illustris nuper sacrae comes additus aulae
 Contempsit summos ruris amore gradus.
 Hunc ego complexus uentorum aduersa fefelli,
 Dum uideor patriae iam mihi parte frui. 510

479 Syrius V². 481 Cum V²RBMP *corr. Simler* 482 horrida V²RBMP
 torrida. f. *mg.* v 485 Ister BMP. 486 abstricto R 487 solitas natura
 V²RBMP solitus naturae *Castalio* solitus naturam *Baehrens* 489 Iuncta (*ab-*
scisso I) V² Iuncta R *concepto Baehrens* 495 Th(*exp. h* V²)uscis V²R
 496 Excolere V² (*emendationis signo s. x posito quae tamen non comparet*), RBP
 Excoll. M *corr. Castalio* 498 Pectora BMP 499 Consulis BM Tyle
 V² Thyle R 500 Britanus BM 501 profect. R 502 foenus V²RBM
 504 orbe (o *in ras.*) R media-urbe *Mueller*

Lutea protulerat sudos Aurora iugales:
 Antennas tendi litoris aura iubet.
 Inconcussa uehit tranquillus aplustria flatus,
 Molliā securo uela rudente tremunt.
 Adsurgit ponti medio circumflua Gorgon 515
 Inter Pisanum Cyrraicumque latus.
 Auersor scopulos, damni monumenta recentis:
 Perditus hic uiuo funere ciuis erat.
 Noster enim nuper iuuenis maioribus amplis,
 Nec censu inferior coniugioque minor, 520
 Impulsus furiis homines terrasque reliquit
 Et turpem latebram credulus exul adit.
 Infelix putat illuine caelestia pasci
 Seque premit laesis saeuior ipse deis.
 Num, rogo, deterior Circaeis secta uenenis? 525
 Tunc mutabantur corpora, nunc animi.
 Inde Triturritam petimus: sic uilla uocatur,
 Quae latet expulsis insula paene fretis.
 Iamque manus similis procedit in aequora saxis,
 Quique domum posuit, condidit ante solum. 530
 Contiguum stupui portum, quem fama frequentat
 Pissarum emporio diuitiisque maris.
 Mira loci facies: pelago pulsatur aperto,
 Inque omnes uentos litora nuda patent;
 Non ullus tegitur per brachia tuta recessus, 535
 Aeolias possit qui prohibere minas;
 Sed procera suo praetexitur alga profundo
 Molliter offensae non nocitura rati,
 Et tamen insanas cedendo interligat undas
 Nec sinit ex alto grande uolumen agi. 540
 Tempora nauigii clarus reparauerat Eurys,

511 udos claudicante metro R 512 aura] unda BMP 516 circaicum-
 que R Cynriac. P 517 Aduersus V²RBMP corr. uir doctus in *Miscellaneis*
Observationibus (Amstelaedami 1733) III p. 368; coll. *Aen.* III 272 monim. B
 cf. u. 409 518 Caue ne perditus erat iungas. Erat uerbum substantiuum est
 = φησι 521 terrasq.] diuosque BMP 522 agit V² BMP (eo eg. R corr.
 Burmann 525 Num] Nuc R Non Barth 526 Tum R 527 Trieteritam
 R T(t M)riturritam MP 529 Namque V²RBMP correxi ego manu V²RBMP
 correxi sim.] iunctis V²BMP 532 diuit.] deliciis malebat Bachrens 533 pul-
 santur Barth 535 Non nullus V² (exp. alt. n), R Nonnullus BM 539 cae-
 dendo V² credendo R interrigit V²RBMP corr. Castilio 541 nauigijs R

Sed mihi Protadium uisere cura fuit.
 Quem qui forte uelit certis cognoscere signis,,
 Virtutis speciem corde uidente petat;
 Nec magis efficiet similem pictura colorem 545
 Quam quae de meritis mixta figura uenit.
 Aspicienda procul certo prudentia uultu,
 Formaue iustitiae suspicienda micat.
 Sit fortasse minus, si laudet Gallia ciuem:
 Testis Roma sui praesulis esse potest. 550
 Substituit patriis mediocres Vmbria sedes:
 Virtus fortunam fecit utramque parem,
 Mens inuicta uiri pro magnis parua tuetur,
 Pro paruis animo magna fuere suo.
 Exiguus regum rectores cespes habebat, 555
 Et Cincinnatos iugera pauca dabant.
 Haec etiam nobis non inferiora feruntur
 Vomere Serrani Fabriciique foco.
 Puppibus ergo meis fida in statione locatis
 Ipse uehor Pisas qua solet ire pedes. 560
 Praebet equos, offert etiam carpenta tribunus,
 Ex commilitio carus et ipse mihi,
 Officiis regerem cum regia tecta magister
 Armigerasque pii principis excubias.
 Alphaeae ueterem contemplor originis urbem, 565
 Quam cingunt geminis Arnus et Ausur aquis;
 Conum pyramidis coeuntia flumina ducunt:
 Intratur modico frons patefacta solo;
 Sed proprium retinet communi in gurgite nomen,
 Et pontum solus scilicet Arnus adit. 570
 Ante diu quam Troiugenae fortuna penates
 Laurentinorum regibus insereret,
 Elide deductas suscepit Etruria Pisas,
 Nominis indicio testificata genus.
 Hic oblata mihi sancti genitoris imago, 575
 Pisani proprio quam posuere foro,

542 protadium R 544 petat] putat R, unde fortasse Heinsianum illud
 confirmatur uidere putet, fortasse corde uidente putet scribere malis ut intel-
 legas = oculis animi reputet 546 mista BMP 552 utraque V²BMP
 556 uicinas R cicitas M 558 F (f R) abritique V²R 559 fida] tuta
 R 563 tegerem V² a. c. 565 Alphaeae V² Alphae M 566 ansur R
 567 piram. R 573 Aulide diduc. R ethruria R 575-578 om. BM

Laudibus amissi cogor lacrimare parentis:
 Fluxerunt madidis gaudia maesta genis.
 Namque pater quondam Tyrrhenis praefuit aruis,
 Fascibus et senis credita iura dedit. 580
 Narrabat, memini, multos emensus honores
 Tuscorum regimen plus placuisse sibi;
 Nam neque opum curam, quamuis sit magna, sacrarum
 Nec ius. quaesturae grata fuisse magis;
 Ipsam, si fas est, postponere praefecturam 585
 Pronior in Tuscos non dubitabat amor.
 Nec fallebatur: tam carus et ipse probatis:
 Aeternas grates mutua cura canit;
 Constantemque sibi pariter mitemque fuisse,
 Insinuant natis qui meminere senes. 590
 Ipsum me gradibus non degenerasse parentis
 Gaudent, et duplici sedulitate fouent.
 Haec eadem, cum Flaminiae regionibus irem,
 Splendoris patrii saepe reperta fides:
 Famam Lachanii ueneratur numinis instar 595
 Inter terrigenas Lydia tota suos.
 Grata bonis priscos retinet prouincia mores
 Dignaque rectores semper habere bonos,
 Qualis nunc Decius, Lucilli nobile pignus,
 Per Corythi populos arua beata regit. 600
 Nec mirum, magni si redditus indole nati
 Felix tam simili posteritate pater.
 Huius uulnificis satyra ludente Camenis
 Nec Turnus potior nec Iuuenalis erit.
 Restituit ueterem censoria lima pudorem; 605
 Dumque malos carpit, praecipit esse bonos.
 Non olim sacri iustissimus arbiter auri
 Circumsistentes reppulit Harpyias?
 Harpyias, quarum discerpitur unguibus orbis,
 Quae pede glutineo quod tetigere trahunt, 610

579 tirrenis R Tyrrenis P 582 Thusc. R 583 curam om. R
 584 uis R 586 thusc. R 589 sibi om. R 593 faminae R Flammi-
 niae BM 594 patris V² 595 nominis V²RBM *corr. Simler* 596 T(t
 P)urrogenas BMP lidia R 599 Quale decius luculli R 600 Corythi
 (t in ras.) R Coryti P 603 satyra V²RBM C(c BMP)amoenis V²BMP
 605 Instituit BMP 608 arpyas R 609 Arpias R decerp. BMP

Quae luscum faciunt Argum, quae Lyncea caecum,
 Inter custodes publica furta uolant.
 Sed non Lucillum Briareia praeda fefellit,
 Totque simul manibus restitit una manus.
 Iamque Triturritam Pisaea ex urbe reuersus 615
 Aptabam nitido pendula uela Noto,
 Cum subitis tectus nimbis insorduit aether;
 Sparserunt radios nubila rupta uagos.
 Substitimus. quis enim sub tempestate maligna
 Insanituris audeat ire fretis? 620
 Otia uicinis terimus naualia siluis,
 Sectandisque iuuat membra mouere feris.
 Instrumenta parat uenandi uillicus hospes
 Atque olidum doctas nosse cubile canis.
 Funditur insidiis et rara fraude plagarum 625
 'Terribilisque cadit fulmine dentis aper,
 Quem Meleagrei uereantur adire lacerti,
 Qui lasset nodos Amphitryoniadae.
 Tum responsuros persultat buccina colles,
 Fitque reportantum carmine praeda leuis. 630
 Interea madidis non desinit Africus alis
 Continuos picea nube negare dies.
 Iam matutinis Hyades occasibus udae:
 Iam latet hiberno conditus imbre Lepus,
 Exiguum radiis, sed magnis fluctibus, astrum, 635
 Quo madidam nullus nauita linquat humum.
 Namque procelloso subiungitur Orioni
 Aestiferumque Canem roscida praeda fugit.
 Vidimus excitis pontum flauescere arenis
 Atque eructato uertice rura tegi; 640
 Qualiter Oceanus mediis infunditur agris,

611 arguunt R lineea R 612 custodum. f. mg. add. v 615 tritur-
 rita R Trituritam BMP pisea R 616 uela om R not(t in ras R)ho
 V² R 617 Quin falso pro Quum R 624 olid. om. R canis sic V²
 627 meleagraei V²BM Meleagrici P inuito metro 628 laxet V² a. c., BM la-
 xat P nodos ex nouas ut uidetur (mg. nodos) R amphitruoniade R 629
 Tunc R buccina V²R 630 reportando V²P reportanda RBM reportanti
 Castalio reportantum Heinsius 631 aphricus R 632 necare R 633 hia-
 des R Vdae BM 636 linquit BMP lignit R 637 Oarioni BM
 638 Aestiferamque V² 640 uortice BMP

Destituenda uago cum premit arua salo,
 Siue alio refluus nostro conluditur orbe
 Siue corusca suis sidera pascit aquis.

RVTILII CLAVDII (vel CLAVDII RVTILII) NAMATIANI DE REDITV SVO

LIBER II.

Nondum longus erat nec multa uolumina passus:
 fure suo poterat longior esse liber.
 Taedia continuo timuit cessura labori:
 Sumere ne lector iuge paueret opus:
 Saepe cibis affert serus fastidia finis, 5
 Grator est modicis haustibus unda sitis,
 Interualla uiae fessis praestare uidetur
 Qui notat inscriptus milia crebra lapis:
 Partimur trepidum per opuscula bina ruborem,
 Quem satius fuerat sustinuisse semel. 10
 Tandem nimbose maris obsidione solutis
 Pisano portu contigit alta sequi.
 Adridet placidum radiis crispantibus aequor,
 Et sulcata leui murmurat unda sono.
 Incipiunt Appennini deuexa uideri, 15
 Qua fremit aereo monte repulsa Thetis.
 Italiam rerum dominam qui cingere uisu
 Et totam pariter cernere mente uelit,
 Inueniet quernae similem procedere frondi,

643 orbe colluditur R orbi Müller.

Rutilii claudii namatiani de reditu suo explicit liber I Incipit liber II V³
 Explicit. liber primus | Claudii Rutilii Poete. | Incipit liber II | Claudii Ruti |
 lii Numanti | ani poete | dignis | simi (mg. IO : AND: CRV:) R Finis itinerarii
 primi. | Rutilii Claudii Numatiani de re | ditu suo itinerarii liber | secundus B
 Finis itinerarii primi | Rutilii Claudii Numatiani de re | ditu suo, Itinerarii Li-
 ber | secundus M Finis itinerarii primi | Rutilii. Claudii. | Numatiani. Galli |
 V. C. de. reditu. suo | itinerarii | liber secundus | ad. Venerium. Rufum P.

1 Non dum V³ 2 longior (or in ras) R 3 timui V³ 6 hausibus
 V³ siti. f. mg. add. V³ siti BMP 9 rubore R 10 semel] satis R
 15 A(a R)pennini RP Appennini BM. 16 Tethis R

Artatam laterum conueniente sinu.	20
Milia per longum decies centena teruntur	
A Ligurum terris ad freta Sicaniae;	
In latum uariis damnosa amfractibus intrat	
Tyrrheni rabies Hadriacique salis.	
Qua tamen est iuncti maris angustissima tellus,	25
Triginta et centum milia sola patet.	
Diuersas medius mons obliquatur in undas,	
Qua fert atque refert Phoebus uterque diem:	
Vrget Dalmaticos Eoo uertice fluctus	
Caerulaque occiduis frangit Etrusca iugis.	30
Si factum certa mundum ratione fatemur	
Consiliumque dei machina tanta fuit,	
Excubiis Latiis praetexuit Appenninum	
Claustraue montanis uix adeunda uis:	
Inuidiam timuit natura parumque putauit	35
Arctois Alpes opposuisse minis,	
Sicut uallauit multis uitalia membris	
Nec semel inclusit quae pretiosa tulit.	
Iam tum multiplici meruit munimine cingi	
Sollicitosque habuit Roma futura deos.	40
Quo magis est facinus diri Stilichonis acerbum,	
Proditor arcani quod fuit imperii.	
Romano generi dum nititur esse superstes,	
Crudelis summis miscuit ima furor;	
Dumque timet quicquid — se fecerat ipse timeri —	45
Immisit Latiae barbara tela neci:	
Visceribus nudis armatum condidit hostem,	
Illata est clades liberiore dolo.	
Ipsa satellitibus pellitis Roma patebat	
Et captiua prius quam caperetur erat.	50

20 sinu *om.* R 23 latus *Wernsdorf* amphr. R anfr. BMP 24 tir-
reni (*ss, h*) R Tyrre. P Adriacique BM sali P 26 patens R 30 Cae-
ruleaque R ethrusca V³ 31 Si *om.* R 33 A(a R) penn. RP Appeni.
BM 34 adeunda (*ade in ras.*) R 36 Artois R 41 stilconis R Stili-
conis BMP *Gyraldus* 42 qui P *Gyraldus* 45 se *om.* R re fecerat ipse
timoris uel timendum *censeo scribendum* 47 Post *Vise. ras. in R ubi legitur*
due uel *duc, fortasse initium uerbi dumque, ex uersu* 45 *iterati* 48 Illat(a)e
cladis V³RBP *correx*i liberiora V³ 49 pell.] e et prior i et inferior pars
et prioris et alterius l lacuna haustae in V³

Nec tantum Geticis grassatus proditor armis:
 Ante Sibyllinae fata cremavit opus.
 Odimus Althaeam consumpti funere torris,
 Nisaeum crinem flere putantur aues;
 At Stilicho aeterni fatalia pignora regni 55
 Et plenas voluit praecipitare colos.
 Omnia Tartarei cessent tormenta Neronis,
 Consumat Stygias tristior umbra faces;
 Hic immortalem, mortalem perculit ille;
 Hic mundi matrem perculit, ille suam. 60
 Sed diuerticulo fuimus fortasse loquaces:
 Carmine propositum iam repetamus iter.
 Aduhimur celeri candentia moenia lapsu:
 Nominis est auctor sole corusca soror,
 Indigenis superat ridentia lilia saxi, 65
 Et leui radiat picta nitore silex.
 Dives marmoribus tellus, quae luce coloris
 Prouocat intactas luxuriosa niues.

*
* *

51 Non R crassatus V³BMP grassator R grassatus *Gyraldus* 52 sibill.
 R Sibyll. *Gyraldus* 53 Althe (ae *infra* e v) am V³R Althae. *Gyraldus*
 54 Niseam R flesse ex flexe R 55 Ast R S(s RM)tilico RBMP *Gyral-*
dus 57 *euaniidus*. in R 58 stig. R 60 perculit om. R 61 diuert.
sic V³RBMP 62 preposito R proposito BMP 66 laeui BMP ** desunt
 in excuso quoque ab Onofrio Panuino in sua Roma *et manu recentiore* Fasscini
 uel Faffeini (*sic* *Heidrich*, *Faffani Keene*) est v Τελως | Heu seculorum Incuria
 Huius *Elegan* | tissimi Poet, disideratur reliquum *et infra* in taenia Johannes.
 Andreas. Crucianus R Finis secundi B Finis M Reliqua desiderantur P.

INDEX NOMINVM

- Aeneadae I 67
 Aeneas I 182
 Aeolius I 536
 Africa I 147
 Africus *uentus* I 631
 Agenoreus I 261
 Agilla I 226
 (Ceionius Rufius) Albinus I 168
 (Caecina Decius Acinatus) Albinus
 I 466
 Alcides I 76
 Allia I 125
 Alpes II 36
 Alpheus *adiectiuum* I 565
 Alsia tellus I 223
 Althaea II 33
 Amphitryoniades I 628
 Antiphates I 382
 Appenninus II 15. 33
 Aquilo I 429
 Arctous II 36
 Aremorius I 213
 Argentarius mons I 315
 Argus I 611
 Arnus I 566.570
 Assyrius I 83
 Aurelius agger I 39
 Aurora I 511
 Auster I 237
 Ausur I 566

 Bellerophonteus I 450
 Biturix I 353
 Boreas I 399
 Brennus I 125
 Briareus I 613
 Britannus (= Britanni) I 500

 Caesareus I 305
 Camenae I 603

 Canis *sidus* I 638
 Capraria I 439
 Castor I 155
 Castrum Inui I 227. 232
 (Q. Lutatius) Catulus I 298
 Centum cellae I 237
 Ceretanus I 225
 Chalybes I 351
 Chelae I 184
 Cincinnatus I 556
 Circaeus I 525
 Circenses I 201
 Corsica I 431
 Corsus I 438
 Corus I 463
 Corythus I 600
 Cosa I 286. 297
 Cyraeus I 437
 Cyraicus I 516
 Cytherea I 156

 Dalmaticus II 29
 Decius I 599

 Elis I 573
 Eous *sidus* I 430
 Eous *adiectiuum* II 29
 Ephyreus I 319
 Etruria I 573
 Etruscus II 30
 Euboicus I 274
 Eurus I 541
 Exuperantius I 213

 Fabricius I 558
 Faleria I 371
 Flaminia via I 593
 Faunus I 234

 Galli I 209
 Gallia I 549

Gallicus I 20
 Getae I 142. 336
 Geticus I 40. II 51
 Giganteus I 100
 Gorgon I 515
 Graecia I 100
 Grai I 263
 Graius I 441
 Grauiscae I 281

Hadriacus II 24
 Hannibal I 128
 Harpyiae I 608. 609
 Helicon I 264
 Herculis portus I 293
 Hesperius I 150
 Hister I 485
 Homerus I 195. 449
 Hyades I 633

Igilium I 325
 Ilva I 351
 Inuus I 232
 Ionius I 320
 Iris I 98
 Isthmos I 319
 Italia II 16
 Iudaea I 395
 Iudaeus I 383
 Iuuenalis I 604

Lachanius I 595
 Latius I 12. 149. 311; II 33. 46.
 Laurentini I 572
 Lepidi quattuor I 296 sqq.
 Lepidus *adiectiuum a Lepido* I 312
 Lepus *sidus* I 634
 Libye I 59
 Ligures II 22
 Lucillus I 599. 613
 Lydia I 596
 Lynceus I 611

Macetae I 85
 Maenala I 233

Maro I 170
 Mars I 67. 301. 365
 Medi I 84
 Meleagreus I 627
 Messala I 268
 Munio I 279
 Musae I 266
 Mutinensis I 301

Nero II 57
 Nilus I 145
 Nisaeus II 54
 Noricus I 352
 Notus I 616

Oceanus I 56. 499. 641
 Orion I 637
 Osiris I 375

Paeonius I 75
 Palatia I 171
 Palladius I 208
 Pan I 233
 Parthi I 85
 Pharos I 404
 Phoebus I 57. 184. 372. 483; II 28
 Pierius I 267
 Pisae I 560. 575
 Pisaeus I 615
 Pisani I 576
 Pisanus I 516; II 12
 Plias I 187
 Poeni I 173
 Pompeius I 396
 Populonia I 401
 Protadius I 542
 (P. Valerius) Publicola I 272
 Pygmeus I 291
 Pyrgi I 223
 Pyrrhus I 127

Quirinus I 157

Rhenus I 145
 Roma I 3. 48. 116. 167. 200. 418.
 467. 550; II 41. 49

- Romani I 7. 336
 Romanus I 79 (= Romani?). 133.
 210; II 43
 Romuleus I 2. 152
 Romulidae I 68
 (Ceionius) Rufius (Volusianus) I
 168. 421
 Rutulus I 170

 Salinae I 475
 Samnis = Samnites I 126
 Sardoniceus I 354
 Sardous I 296
 Serranus I 558
 Sibyllinus II 52
 Sicania II 22
 Sirius I 479
 Sol *deus* I 53. 55
 Stilicho II 41. 55
 Stygius II 58
 Symplegas I 461

 Tagus I 356
 Tarpeius I 108

 Tartareus II 57
 Tartesiacus I 356
 Tauri thermae I 249
 Thetis II 16
 Thule I 499
 Titus *imperator* I 396
 Tolosa I 496
 Triturrita I 527. 615
 Troiugena I 571
 Turnus *satirarum scriptor* I 604
 Tusci I 582. 586
 Tuscus I 39. 495
 Tybris I 151. 180
 Tyrii I 174
 Tyrrhenus I 233. 579; II 24

 Vada (Volaterrana) I 453
 Venus I 67. 236
 Vmbria I 551
 Vmbro I 337
 Volaterranus I 453
 Volusus I 169
 Vrsa I 60
-





S. —

One

UNIVERSITY OF ILLINOIS - URBANA



N30112023701433A



Prezzo: LIRE SEI